

## Wie Was

S git lüt die gäbe dir au moll d hand wennds nit erwartisch  
Und anderi bruche erscht e bank voruss und e bacardi  
S git lüt die gäb sich nur am strand e kuss in bali  
Und s git tier mit süesse näme wie elefantolus edwardii  
S git männer ohni sorge er stoht immer ganz hoch  
Und anderi die schämme sich nach jedem absturz  
S git welchi wo sich sicher sin er sigi fascht z churz  
Und tier wo nüt derfür chönne heisse schwanz lurch  
Die eini isst nur burger doch blibt schlank wiene floppy disc  
E anderi wird furchtbar fett nur well sie mängmoll schoggi isst...  
S git sache die vermehre sich - sits paste und copy git...  
doch laubfrösch stärke witer wells an gwüsse ort jetz droche isch...  
Es git lüt die singe viel well sie meine me wills höre  
Und aderi singe garnie doch sie reime bis sie störe  
Es git vätere wo treu sin die gön dauernd hei und schwöre  
Sie sin nit wie dr kuckuck wo eim elei lot mit de göre  
Es git lüt die sehn e muskelprotz und säge chraft hett er  
Anderi sehn der glichi und danke ich bi fascht krässer  
S git einigi die hän e fründ und dä chön das besser  
Und s git tier mit doofe näme - so wie saftlecker

Es git lüt die lache nie wärde sur wie essig dressing  
Und anderi möge kei humor durchus aber wrestling  
Die eine lache gärn lön kei kurs uss bis sie gstresst sin  
Und anderi **heisse** komisch so wie ursus und nadeschkin  
S git lüt die kriege prügel doch merkes sälber fascht nit  
mängi hän grad mitleid sobald moll ein uffs tach kriegt  
Dominas die haue dri und säge es sig spass gse  
und anderi schlön sich prueflich so wie der henry maske  
meitli wo umgänlich sin nennt me chline backfisch  
Und s git buebe wo nur folge wennd ne ständig ufe sack gisch  
Einigi vertreit me nit so wiene million rakis  
well sie nit ganz bache sin wie der andy milonakis  
Die eine hasse sich - doch sin vonenand umgeh  
Und anderi liebe sich doch wärde enand nieme seh  
S git lüt die schaffes überhaupt nie öpperem Liebi z geh  
Genau eso wie Leibstadt – nur wägem I und E  
vieli liebe gott well sie ohni panisch wirke  
Und lüt die bätte zur natur und ihre star isch d birke  
mängi säge dir *dein leben wirst du so verwirken*  
Und s git au **oort** mit doofe näme sowie garmisch parten**kirchen**